

g<sup>2.</sup>

# Ein new geystlich Lied/

Von dem reychen Man/vnd von dem  
armen Lazaro. In dem thon, frös-  
lich so will ich singen mit lust.

# Ein ander geystlich Lied/

Von den siben wortten.



5

10

AD BIBLIOTHECA  
UNIVERSITATIS  
MONAC.

**F**ret Christen gemeine  
**D**as Euangelium  
 Lucas schreybt vns das reyne  
 Thut buß das jr werdt frum  
 Im sechzehenden state  
 Es was ein man reych seer  
 Kleydt mit purpurlein warte  
 All ead vol lust war sate  
 Es was da ein armer.

**T**hiess Lazarus der lage  
 Vor seiner thür in peyn  
 War vol geschwer het klage  
 Sat worden von broßlein  
 Die fielen von des reychen  
 Tisch ab da kamen die  
 Hundt leckten seßberleichen  
 Seine gschwer wunnigk leichen  
 Der arme sturbe ye

**T**Ward tragen von den Engel  
 In Abrahams schoß  
 Der Reych auch sturz het mangel

Vnd kam in peyn so gross  
 Hins sein augen auff sahe  
 Abraham seer klerlich  
 Vnd Lazarum so nahe  
 In seiner schoß erjahe  
 Abraham erbarme dich.

¶ Send Lazarum das ere  
 Soren den finger sein  
 In ein wasser dunc' dere  
 Mir kül die zunge mein  
 Ich leyd gross peyn in flämen  
 Abraham sprach denck sun  
 Wann du dein gut mit namen  
 In dem leben mit namen  
 Hast empfangen nun

¶ Lazarus gegen hatte  
 Pues empfangen thet  
 Er wirdt tröstet fru spate  
 Du wirst gepeyniget  
 Über das alles schone  
 Zwischen vns ein klufft so

Das die da wolten vome  
Absteygen zu euch lone  
Vlcht vberfaren do.

¶ Er sprach bitt dich vor aussē  
Vater du sendest her  
In meines vatters hausē  
Ich hab noch fiinff brüder  
In zeyge das sie nitte  
Auch kummen an den ort  
Abraham sprach nit bitte  
Sie haben Mosen mitte  
Auch der Propheten wort.

¶ Laß die hören an spotten  
Cleyn vater Abraham  
Wenn einer von den todten  
Du in gieng allen sam  
Er aber sprach zu jme  
Hören sie Mosen vnd  
Nit der Propheten stymme  
Sie glauben nit vernymme  
Nemand vom todt aufst stunde.

# Oder ein geistlich lied/von den siben wortten.

**D**o Jesus an dem Creutz stund/vnd  
jns sein leychnam was verwundt/so  
gar mit bitterm schmerzen/die siben wort  
die der Herr sprach/die betracht in deinem  
hertzen.

**T**zum ersten sprach er gar süßigleich/zu  
seinem vater von hymelreich/mit krefsten  
vnd finnen/vergib jn vatter sie wissen nit/  
was sie an mir verbringen.

**T**zum andern gedenck seiner barmhertzig  
keit/die Got an den Schecher hat geleyt/  
sprach Got gar gnedigkliche/fürwar du  
wirst heit bey mir sein/in meines vatters  
reychen.

**T**zum dritten gedenck seiner grossen not/  
lass dir der wort nicht sein ein spot/Weyß  
schaw dein Sun gar ebe/Johannesnym  
deiner mutter war/du solt jr gar eben pfles  
gen.

**T**zun mercet was das vierd wort was/

Mich durst so hart om vnterlaß / schrey  
got mit lautter stimmen / das menschlich  
hayl thet er begern / sein Nagel wardt er  
empfinden.

T Zum fünsften gedencß seiner barmhertz,  
igkreyt / die Gott am heyligen Creutz auff  
schrey / Mein Gott wie hast du mich ver-  
lassen / das elendt das ich da leyden muß /  
das ist ganz über die massen.

T Das sechst das was gar ein krestig wort  
das mancher siinder auch erhört / auff sei-  
nem Götlischen munde / Es ist volbrachö  
mein leyden gross / wol hie zu diser stunde.

T Zum sißenden empflich ich mich vatter  
in dein hend / dein heyligen geyst du zu mir  
send / an meinen letzten zeytten / wenn sich  
mein seel von mir will scheyden / vñ mag  
nicht lenger beyten.

T Wer Gottes marter in eerē hat / vñ offt  
gedencß der seinen wort / des wil got eben  
pflegen / wol hie aufferden mit seiner ges-  
näd / vnd dort im ewigen leben.

T Christoff Gutknecht.

10

10. Galion in aid of the  
daughter of his neighbour  
in the year 1710.

१०८ विश्वामित्र विश्वामित्र  
विश्वामित्र विश्वामित्र

10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30.

卷之三